山庫全幸

史部

次足四車三 珠敗走楊汝翼順昌戰勝破敵録曰紹興十年春天子以騎師 六月十一日甲寅劉錡及烏珠戰於順昌府城下大破其軍鳥 太尉劉公副守東都仍御制所領軍馬繼被朝青精銳兵馬分 欽定四庫全書 炎與下帙 三朝北盟會編卷二百 起紹與十年六月十一日甲寅盡其日 三朝北盟會編 宋 徐夢聋

陳守約相見出泰和縣申狀報太子人馬於五月十二日至東京 守龍學陳規仰汪若海泊兵職官吏門首迎館太尉於羅漢院 折殆三百里太尉捨舟與屬官將佐先抵城下時五月十五日太 二千二百里抵顏上以順昌之屬邑陸路两驛而近水路繁好曲 緑戍後束裝 裹粮越五日而後放行絕流泝淮風濤險阻自臨安凡 戍陳 汴隨軍老小屯泊順昌三月十八日陛解出城益以殿司二千人 守体既相報謁即往按視营寨湫隘窄陋悉不如法两日之間 管區處尚未就十七日早太尉門首刺探官宋待制未及回 揆

歐陽文忠公之故居也皆在子城外與府治及民家兩 **亚歸諭諸將戒飭士卒無致張皇其時選鋒将爽兩軍** 寒 陳 并老弱輜重舟船九百餘隻相去尚遠遣騎追逐至四 衙後軍駐毗盧院中軍駐臺頭寺而太尉遷維摩院乃 更後方遂入城十八日辰巳間有探報敵騎巳入陳州 州距順昌總三百里閩城惶惑罔 柵未定遂以羅漢院駐左軍普惠寺駐右軍前軍駐舊 知所措而馬軍縁

大とりってんでき

不相干是日太尉遣主管機宜杜亨道幹辦公事王義

三朝北盟會編

=

或欲復就便舟順流而下獨太尉激以忠義喻以 及息肩已聞敵騎歷境諸公以謂何如其間或欲守禦 城為桿禦計陳守愕然曰城中聞警報人皆欲去太尉 **賓謁陳守以朝廷先降到瞻軍錢支發交子欲敛兵** 且 十九日太 尉與屬官并統兵官聚議吾軍方自遠來未 行在禀議太尉因託以章奏附行尋聞挈家出南門矣 獨欲守城何也繼而汪若海告別云其已奉有檄差往 曰其赴官留司今京師既陷未可之官賴全軍在此 んくこうせ 禍 福

一城區處以後軍統制青守禦東門中軍統制 闕 幸有城池粗可守禦顧此機會大不容失要當同心戮 已入亳州至順昌二百四十里繼捉到彦充所差探事 力死報國家諸公翕然同辭無或異議於是與官屬登 鄉導問探是日晚亳州把門使臣白忠等二人來投某 統制杜杞守北門分遣將士明遠斤埃仍召募土人作 西門右軍統制焦文通将爽統制鍾彦分守南門左軍 有劉彦充者劉豫時曾知亳州號瓜角自東京同金人 守禦

次三日車主書

三朝北盟會編

....

敵 川頁 里又報至泰和泰和順昌屬邑至府城七十里居 而 百 人朱海張三斬之梟首于市又報金人入陳 東走太尉日居城上親督兵將備設戰具而城壘推 姓賴以安堵然太守及州官骨肉絡釋出城皆 百七十里續報至項城陳州屬邑至順昌一百九十 昌三百里二十日以後報金人至蔡州蔡州至順 勢逼近後聞太尉 貼芝雉榛棘 一意堅守皆雜逻輻輳入城城中 卷二百 如符籬巴僅存數十悉取偽齊 州 陳 民 渡淮 빳 至

宜懸掛僅能周匝其時新鄜延總管劉光遠以路梗亦 所作癡車以輪轅埋城上又諭州索居民門戸扇踏隨 留順昌新永康知軍柳倪緣太尉親以從行至是皆差 尉存即到這裏要取一場富貴上下響應如出一心 立功今才至此便遇大数須自出力報答國家魚荷太 日凡六日之間為備禦計食息不暇而探報日急兩軍 就檢察一行軍馬提舉四壁守禦自十九日至二十 日 相與激勸爭先整治甲器且曰我輩自此出陣未曾 四

火之り車を言

三朝北盟會編

9

金人 白 馬至二十九日合陳程將軍一帶逼城自北之西自西 巴間入城太尉于北門犒勞即具捷奏以聞二十七日 餘人擊之至二十六日早復與敵戰遂殺傷數百人 兵生擒銀牌干戶阿蘇木阿魯等通說韓將軍先遣來 十五日金人遊騎數十已涉顧河出沒城下遇太尉伏 沙龍渦一帶下寨寨去城北約三十里太尉夜遣干 下探城中事宜及有探報韓將軍程將軍兩頭領在 入馳報龍虎大王及三路都統仍自陳州來增益兵 . /-4 辰

射 勵出城士卒内外協應午已之間敵臨城施設而柳 之南自南之東人馬約三萬餘騎太尉四門出軍仍激 面并鐵甲提刀等至三十月早戰士還屯傷勞如初亦 官軍干數連擊之大獲提勝奪到韓將軍大小認旗十 渰溺者不可勝計抵暮尚有鐵騎數干擺佈河外復出 破之遂稍引去即以步兵邀擊慌怖四奔走小河人馬 軍造在東門搏散箭中左足柳倪即拔箭就以破敵 75 DIE 115 之應聲而倒繼發十箭無不中者翼以神臂弓硬弩 三朝北盟會編 5 知

tt 扨 以上聞六月一日金人尚留舊寒有擒到金人及漢 敵寨城東地名李村去城二十里以精鋭五百人夜出 云已遣銀牌天使馳往東京告急於四太子矣初二日 甲者疾呼曰留得我即太平竟為官軍所殺是夜陰晦 之前 雨時電光所燭但見金國服飾者悉皆殲之其殺傷 四日 之鄉導者引官軍直至中軍以館徹去毡帳 巨唇合言 初五日金人 EJ 两戰為最初三日戰士歸城亦以提狀聞 八相持如初伏兵擒到金人 卷 二百 人具道殺 有

次三日至人書 傷甚多且乏粮食有建議者願乘此屢提之勢順流乘 順 去城三十里而四太子又領重兵來援萬一諸軍遽舍 曰今日機會天造地設况已屢挫敵鋒軍聲稍震雖敵 馴致侵擾兩准驚動江浙則吾輩平生 與官兵多寡不作然業已至此可前進不可退却敵营 無虞敵衆追襲首尾相失將至狼狽大有不可言者 昌不惟前功盡廢一軍老小當此倉卒擾擾豈敢盡 而全軍歸太尉乃會諸統兵官于四門上酌酒而誓 三朝北盟會編 報國之心死為

此 をうけに 橋渡軍馬初七日四太子至亦與諸軍首連接下寨人 效命欣然待敵初六日太尉遂以東門北門外所泊 馬被野駱駝牛馬紛雜其間毡車奚車亦以百數至于 和 船 城同亡此言不食天實臨之於是諸統兵官皆願奮 顄 國之鬼雖萬死何以謝天下願諸公堅忠孝心誓 悉沉河底示使死戰不為東歸 縣輜重前驅已與龍虎諸軍營寨相接連夜桶 身問有退志齊以警戒之令曉諭將士人人成欲 يّــ 卷二百 計俄報四太子入太 河繁 舟 與

攻城戰具來自陳州粮食器甲來自蔡河散遣輕騎巡 越 尉得之愿敵為詭計以惠衆心不啟封而焚之初四日 至晚以前日陷陣人曹晟荷團柳貴實封文字放回太 四太子疏責諸帥首前日用兵之失諸帥首皆答以今 目 南 城下有叩城以手揶揄曰城裏人只有三箇日頭裏 國王也即下令曰順昌城壁如此可以靴尖踢倒來 國 朝兵馬非日前比往往一以當百不容措手足明 王臨陣自可備見盖四太子稱天下兵馬大元帥

たこり車が前

三朝北盟會編

<u></u>

金字四上八三 自 皆殺之且折箭為誓以激其衆然太尉决策戰守忠義 壁旗幟錯雜大小有差而五色旗各七面按方分植者 明 人馬環合城下甲兵鐵騎十有餘萬陣列行布此若山 厭平時憤激直欲氣吞敵衆以謂不足憂也初九 日府衙會食所得婦女玉帛悉聽自留男子一歲以上 軍也而順昌東西兩門受敵金人睥睨東門瀕濠待 四大子遂合龍虎大王及三路都統韓將軍程將軍 持仍以方累授諸將佐顧視金人恃强背盟貪賣無 日平

踰 敵太尉亦自東門出兵應之城上發鼓即與交鋒轉 常時敵衆望之縣然披靡食已即來以数隊趣戰 体城頭鼓聲不絕乃出養飯坐鉤戰士優 扯 將 大巴日三人生日 軍 干户其精鋭特甚自用兵以來所向無前至是亦為官 時敵復大級四太子披白袍甲馬往來指呼以渠自 極 殺傷先以鎗揭去此年即 牙兵三千策應皆重鎧全裝金號鐵浮屠又號哈沙 力關敵自辰至戌金兵大敗遽以拒馬木障之少 三朝北盟會編 用刀斧斫臂至有以手掉 八游問服 <u>小</u> 如平

枕 拒 尚未衰也其餘傷中稍輕可者猶欲再出 候 啊 官 風 選鋒統制韓直自被一 籍掩入溝軽問入墮井者不 挟以上馬而歸虞候與馬皆中箭被血淋漓無餘勇 軍 馬木深入所敵又大破之無何有候傳令者令少却 怒號城土吹落塵霾漲天咫尺不辨斃屍倒馬 麻葦竹方其接戰時鄜 遂稍 引後敵衆併權逼濠而致溺水者二百餘 卷二百 鎗三箭幾致獨死賴有一 瓊扎彦舟趙提刀等皆单 知幾 何旗號器甲積 接戰是日 縱橫 虞 西

無 次定四軍主方 連亘西北薄城而营長十五里 及 兵張勢云嚇城既而官軍歸城直奪取釣橋望城放箭 有官軍歸城車馬自塞而北復渡河而去敵初涉濠耀 四太子平日所倚仗者十損七八當其敗級時城上見 神臂弓臨下射之人馬自退自後東而南轉而之西 關志所可恃者止是两翼拐子馬耳故衛兵力擊之 於陣外有河北簽軍告官軍曰我輩元是左該軍 如雨至有用響箭與窄柳箭者城上悉以破敵 三朝北盟會編 濶 十餘里 至晚發擂

骨 至十 諠 震山谷父老皆言有生以來或未之聞然金营 Z 漈 敵 持 得休息十一 無聞以是自可見勝負之兆四太子帳前以甲兵環 謹自夜達旦時有金人傍城屬耳以聽城中肅 潤各五尺許 C 燭照坐敵衆時分番假 日大雨 悉皆掛甲挽弓以馥 11 111 日早敢营發擂聲如昨日大尉逼詰 Œ 傾 爾督工雨亦 注敵于城外埋鹿角 老二で 雨 寢馬上深懼官軍夜擊之 復 稍 大作官軍劫之畫 止太尉出百餘騎捷 柵 欄 外 中學 開 1. 纵雞

曹撫勞官軍及安慰中傷之人盖家至户到人人皆得 数千隨亦被溺遂復繋橋連夜已濟兩日之間収集屍 絕虚立旗幟以疑城上盖緣類河暴漲充激橋筏人馬 **育隨處焚化至有數十人作祭者亦有燒半殘者或瀕** 只擊鑼數聲而已十二日早尚立砲架置推牌斤斧不 甚皆思此歸抽摘人馬過河至晚不較然不復發擂 太子作後繁橋甚急金人自到此日給炒麥數合疲用已 其歡心且雖被傷中猶欲抵死報答太尉俄有探報四

次定习事主書-

三朝北盟會編

1

柳條撻之數十下如千戸毛可等皆撻之百十下尋以 然猶潛匿山林間以何襲至十三日十四 子龍虎大王各以所轄人馬同之東京初龍虎與諸軍 復會於陳州四太子反怒三路都統韓翟二將軍人以 梯 野及晚板寒盡走即具解圍奏聞則营中砲架推牌雲 河為水漂泛或半為鳥禽所食雜以馬屍牛首彌 路都統守南京韓將軍守頡昌程将軍守陳州四太 拒馬木敗甲破車堆積如山弓刀鎗與亦委之而去 日悉出境上 壁遍

既敗遣銀牌天使告急于四太子天使纔到就龍德宫 見之得報即索靴上馬出門告報士卒頃刻而集經由 太尉邀入具飯飯已到即憩於子城樓上至申時 軍 時奏求援于朝得報差行营左發軍統制王德躬率 陳州一宿措畫戰具粮食而行自東京至順昌往復干 二百里首尾不過七日 火了日東山書 一 移來問敵勢動息至二十三日 來順昌策應十二日金人既退之後王德方且以文 三朝北盟會編 何其神速如此而太尉在 卯時以數干騎至城下 圍城 ep 全

右軍 遣 且敵 御 徳申樞密院某已解 門廼遣人致意曰不 司 筆劉其揮利班師大尉以方禦敵未敢輕為進止 瀕 老小輜重并被傷戰士船載而行以左軍 云其以全軍 退十 此 統制焦文通兩軍防護東下俄聞王德者申宣撫 敵 日後又被肯先發老小往 國相去未遠萬一事或蹉跌為害不細 裹送劉太尉老小出 順昌圍矣方金兵在城 果奉别今且復回又 鎮江府 頬 河矣其 誕謾舉 報數 統制 下得 駐 日傳 剖遂 逓 狄 既 到 間 津

守禦人外非帶號掛甲者不得登城雖順昌官軍土豪 尉恬若無聞未客介懷也順昌右城且素無備追兹敵 一盃而已再戰退敵後市户以經六千餘斤猪百口來 已來陳守始令居民祭牛馬墻兵既退後方置砲座比 之軍中所放砲爭五十步先軍中置令牌每遇出戰除 獻隨即分付諸軍人不得過髮半斤肉數兩至第三戰 犯者初破金人陳守送到煮酒十數石門首犒勞戰士 不許預分毫事城中居民各醫戶守家內外肅静無有

敦定日車全書

三朝北盟會編

太尉不免論陳守畧與犒勞官軍但各人給栗米一 皆廢関月之間畧不以家事經意故能激勵軍心皆為 明間奏將士頗訾不平方當圍城太尉曉夜城上寢食 置守禦賈率將佐楊賞戰士遂至成功雖太尉依應保 奪馬及掠取一物一件至有效命如将突統領田守忠 之用遇臨敵則躬親鼓旗實作士氣先下令不得所級 至事定陳守先具奏乞推本府官屬守城恩賞且言措 及赴倉請之有止得蛀麥五斗者其間不願請者甚多 碩

中軍正將孝忠之徒恃勇深入率皆手殺十人而後死 次定日車全書 年間無如此戰必是外國起鬼兵來我輩莫敢當也後 敵退即訪元主酬以價直自始及終無毫髮擾民者城 門四啓每得奸細即審問情狀詳悉而衆所不容者遣 僧主之作水陸道場以致資荐仍復存恤其家種種順 悉取前後陣殁將士鑿土埋瘞作大塚傍作屋數問命 之使回未當輕戮一人雖金人亦謂自過南朝來十五 昌北門外初有居民及屋數十間思為敵宿前期熟之 三朝北盟會編 +

滿 前項 出 肵 則 與諸路簽軍耳顧雖力抵奈此衆議何太尉初領 以生擒到金人 謂凡此蔡功惟斷乃成者其於太尉亦云自捷奏到 制勝安能以應不虞之變韓文公作裴相平淮 戰之士不過五千人當十萬餘衆自非明于料敵 又把路觀巷至于子城倉庫等處皆分兵守之其實 二萬當其圍城時城上備禦及防護老小管寨遇 有妨功者移書權貴順昌城下無金兵止是兩 阿蘇木并契丹等五十餘人解赴關 兵不 西 砰 敵 河

ב נ

續朕所不总之語咸謂主上酬報非常之功复出前比 朝廷給之為榮累得肯索本軍功狀校定兩日方得具 朝廷龍以門州觀察使再被制命建武泰節鉞皆點解 六月二十七日推排安全軍功賞逐隊列单甲姓名一 奏蓋緣節次出戰更番守禦分别功過不容或差至閏 至者踏來撫問寵貴優渥有加宸翰獎諭且有卿之偉 仍降告于五百軸便就軍書填隨即繳納以謂不若自 覆數實統兵官立功者以前降到金帶及金盌賞之

改足四車 在里司 一三朝北盟會編

1

卹 偶遭金兵追兹平寧敢以圍城前後所見叙為紀實筆 論告僥骨戰功者按以軍法如陣殁之家亦各優厚周 責其能致力策應者仍給賞且出錢干緡揭榜許軍中 守忠李忠輩陷陣本將軍佐不即殺援亦皆免死而 以前後所賜銀二十萬两絹二十萬足第功賞之初田 其有過者則面疏其失勞績亦減將佐立功者以金帶 及金盌賞之其有過者則杖青之降而入隊至于戰士悉 斯又見太尉信賞必罰出人意表如此者其隨軒而來 卷二百 被

文之四事全書 人	追班師述事料
三朝北盟會編	造班師述事贊功當族大手筆者墨荒溢甚無文采且將遇貼諸親舊至於解嚴之後以
古	至於解嚴之後以

	•.						
lı l					ŀ		
1.5							
三朝北盟會編卷二百			1				
朔							
11					1		
ا ماد							
期							
1							
1							
13						ř	
為用							
#							
-							
1							
U						İ	,
			ļ.				
. !					}	1	
'							
			ļ		1	}	
i l					İ	1	
1 (l	l	
! i			·		l		
'					1	'	
1.	•				ļ		
		1					
					l		
i l						1	
						l	
1 1			I .	l	1 .		1

欽定四庫全書 汪若海劄子曰朝廷以藍公佐之回和議頗變以龍神 炎興下帙 朝北盟會編卷二百二 起紹與十年六月十一日甲寅盡閏六月十八日庚寅

次之四車全事

位四廂都指揮使劉錡為東京留守無節制軍馬以五

月十六日始次順昌而十七日鳥珠之軍已壓境鳥珠

三朝北盟會編

見毡帳數重朱紅美車有一 遣驍騎將問充夜劫三路都統寨正中中軍連破五寨 項 項 寧來取順昌犯白沙劉其夜遣師晨至白沙相拒終日 合數陣三路都統大販而去乞援于烏珠未至間劉某 二將軍以五月十二日入東京初遣三路都統既下淮 入西京曰李成烏珠與三路都統領龍虎大王韓翟 入山東曰聶呼貝勒一頭項入陝西曰三郎君 盟舉兵求祁州也以大教為名起國中之兵一 將急披甲呼曰母殺我留 頭 頭

次三日三人三五 我則太平軍士不聴殺之其餘不及披甲因亂激殺數 士夷傷者衆若鳥珠自至恐勢力不加不如權護老小 唯于馬上寢食已而烏珠率重兵來劉聞其將至也會 緩急之用安可見大敵而退况老小一動必不能全敵 諸將于東門上問策尚安出諸將或曰今已三大戰軍 騎無數十里之遠者若被追老小必亂甲士未能保何 渡淮劉正色謂諸將曰朝廷養兵十五年正要一朝為 百人相枕籍死者莫知其數由此虚警晝夜不敢下馬 三朝北盟會編

老小之可全不如背城一戰于死中求生上足以報答 虎韓將軍等不肯厮殺致敗軍馬之衆謂其衆曰誓 沉舟以為决戰烏珠所號長勝軍至則責三路都統龍 以為然人人激勵上下同心皆為破敵之志於是壞櫓 取 國家下足以取富貴請為諸軍五日內殺回鳥珠 衆旨 府 順昌掉在溺河折三箭為誓折一箭曰初九日早飯 衙會食折二箭曰能過車輪之下者皆殺折三箭 人財帛盡以賞軍其所將攻城士卒號鐵勃屠

巷

箇 七日烏珠自臨城於顏河北岸劉寨三十餘里約十 梳三人為伍以皮索相連後用拒馬子人進一步移馬 曰鐵塔兵被兩重鐵晚年周匝皆級長簷其下乃有私 卒充之自用兵以來所不能攻之城 即勾集此軍六月 E) 九日辰時扣城西門索戰謂城上人曰你只活得一 步示不反顧以鐵騎為左右翼號拐子馬皆是勁 頭猶吾人言一日也劉出軍五千人接戰自西門

欠しコョロ Zibila

向南門又轉自東門及東北角始與敵騎往來馳逐

三朝北盟會編

金少区是三 被城上軍以勁弓射鳥珠既大敗乃移寨于城門西門 親 乃 团 地 敗走横屍遍野不知其數劉亦斂兵入城鳥珠大怒 直撞入敵軍中手相扯掉刀斧相 擁三干 掘場動自西南至西北約十餘里欲為不戰之計 而刺之者軍士有中刀洞心而猶刺敵不已者有偶 利與敵 順昌劉又夜使人叔之上下不敢寧處十二日乃 餘騎直扣東門射城上著城上砲架皆滿又 相抱于城濠而死者血戰自辰時至申敵 卷二百二 斫至有提去其此

沙定四事全書 取今敢于劉真以戰而敗疑是外國借來人兵為珠至 盡走敵自言入中原十五年當一販吳玠以失地利而 烏珠無言怒諸軍之敗禮韓將軍九十柳係程將軍人 龍虎者站敢獻言以為不當南來亦猶南人深入我地 留程將軍守准寧府入東京欲往河北簽人有王山者 言曰我只為你於和尚原壞了人情莫不疑貳住三日 柳條其餘或一百或二百哭聲徹天韓將軍頗出怨 和因得氣疾黃腫下血居縣門樓卧两日至淮寧府 三朝北盟會編 四

陝西亦遣人告急馬王山言是日南宋再有一頭項乘 戰馬隨軍並無兵權鳥珠之在順昌城下三郎君敗于 項 珠除烏珠所將一頭項每戰烏珠親為擁押隊其餘頭 來是以莫肯為用其所將孔彦舟酈瓊趙榮之徒只用 知顏昌府至是攜來欲令再守順昌王山言大國中只 有烏珠主兵權舉國中兵盡起祁州所教之兵盡隨鳥 言河北無正兵可簽只有王姓耳王山者烏珠之舊用 如龍虎韓將軍之徒皆無關志又其麾下皆不欲南

萬使乘劉绮戰勝之後士氣百倍之際諸路并進烏珠 其與可盡成擒也但劉自金人至順昌見陳蔡以西皆 每遇令牌一過即百姓寂無一人敢出户者止有兵五 禦既分其地於城上而又分其兵于城中遂巷口擺 性命有賣義於外者更不敢用順昌府官吏軍民充守 是壁風投拜又見舊知州王山在城下恐城中人茍求 擁其舉國精鋭之師即今諸大將所統或十萬或二十 干人可以出戰計劉所統不過二萬人中又止用五干

次之四車全書 人

三朝北盟會編

自 彭城伊陝西之兵下長安渡蒲 帥 冠帶而共降其黨契丹黑水渤海諸國心合為其主 路 當遠其索而用之不必聚天下之師以圍東京令諸 立則烏珠可不戰而擒金國可不加兵而滅何則 俾西京之兵道 惟 舉而破甚無難者今鳥珠之在東 淮 西京西 西最務持重不肯輕舉宜以淮西之兵塞其 淮東陕西四路之兵共圍鳥珠是以 河陽渡孟津俾淮東之兵卷淮陽 坂則河 京 朔之民必響應 譬如取大魚 い人の一日の日からま 易而攻一難我今以淮西自固根本而以京西淮東陝 直趨于河北則河朔之民必響應則烏珠可不戰而擒 之是烏珠之攻劉錡也今舉國之師盡聚于東京我仍 西出其不意是以四難而攻一易烏珠見天下之師盡 之屬必自立則金人可不用兵而滅也今間淮西之 見于今日矣且堅淝水一敗安能遂滅符氏故曰契丹 圍之必以死戰故曰一難兵法曰勿攻其所難如遂為 也烏珠一敗于順昌黨又敗于河朔則苻堅之事其果 三朝北盟會編.

得 金罗正是 或質被擄得脱之士即述順昌之戰勝以倫朝廷之採 受圍也屢乞拔 十六日已未永興軍路經畧使郭浩統制趙建元攻金 擇 班 三日丙辰岳飛統制件舉敗金人于京西 馬 毫便還義士莫不慎甚為朝廷惜之恐人見淮 師弗察敵情之強弱故躬往戰地或訪親臨陣之人 體州破之克體州 11-11-11 師于朝廷韶王德應接是日也德至順 卷二百二 王德至順昌府劉錡在順昌 西 Ž

昌而金人已退順昌矣 兵援郭浩及金人薩里罕戰于鳳翔府大破其軍 二十一日甲子吳璘軍統制姚仲尚起樊彦鄭師正以 從是時諸軍皆已進發若虚曰面得上旨不可輕動既 二十二日乙丑司農少卿李若虚與岳飛計議軍事金 EJ 敗盟朝廷遣李若虚往鄂州軍周幸往建康府軍周 若虚追至德安府見飛言兵不可輕動且班 往楚州軍各計議軍事若虚到鄂 劉光世軍和州 州日飛已進發是 師飛

人口可是八十五

三朝北盟會編

二十六日已已劉錡加武泰軍節度使侍衛軍馬都虞 拉 已進 發若見為可進則當以詔還矯詔之罪若虚當任 金ダロたん 候沿淮制置使 閏六月一日 癸酉朔張俊軍統制宋超敗金 于陳蔡州界 之飛許諾遂進兵 十三日丙寅岳飛軍統領孫顯大破金人 貝勒于淮陽軍 韓世忠統制王勝敗金人周太師吗 卷二百二 /排蠻干

定 朱家村 合而遁 かにコラムショー 州 也最有供敵之意令軍中卷旗而出象知其必退矣數 加 度使侍衛步軍都虞候 五日丁丑涇原路經畧使田晟及金人戰于涇州是後 奉國軍節度使侍衛步軍都虞候武康軍承宣使利 國軍承宣使泰鳳路經界安撫使具殊加鎮西軍節 路安撫使楊政加武當軍節度使侍衛步軍都虞候 彰武軍承宣使永興軍路經界安撫使郭 三朝北盟會編 2

苦由朕菲德致爾阽危惕若厲以疾懷軫如傷而在已 蜂屯假息虎帳戒嚴介胄若暴露之勞丁壯疲轉輸 勇吏民徇國共堅不貳之心捷奏已傳師干再克尚以 黎庶幸賴神人助順宗社降靈將士推鋒爭賈無前 宜敷漁澤之渥用慰西土之人於戲擊敵以殄滅為期 之遺民未治朝廷之德澤念兹不靖肆彼長驅詭計潛 師實忘盟約攻城陷邑荐肆侵陵蹋踐我土疆侵擾我 十三日乙酉復陕西赦眷惟陝右初復版圖深念瘡痍 たさ言 卷二百

戰 也多等勝少第不勝而况于無算乎又曰知已知彼百 戰而廟等勝者得第多也未戰而廟等不勝者得美少 関六月十八日 庚寅王之道上皇帝書臣聞兵法曰未 方折衝于萬里得道者多助之至况有臣惟一心尚賴 爾多方體兹至意 帷幄協謀爪牙宣力废永清于四海庸共底于丕平咨 CALDINE AIRLIN 必敗其言具在昭若日月信如四時後之用兵者不可 不殆不知彼而知已一勝一負不知彼不知已每戰 三朝北盟會編

人民之衆欲見成于敵者謂之騎兵兵騎者滅今以吾 人民土地實貨者謂之貪兵兵貪者破恃國家之大於 金ケロたとうし 者王敵加于已不得已而起者謂之應兵兵應者勝利 諸將出師恭行天討兹固子犯所謂師直為肚者然而 不醫也恭惟皇帝陛下比以金人不順入我如畿肆命 兵 其未戰而不勝耶臣雖至愚竊嘗為陛下籌之且有義 不知陛下宵旰之暇亦當為廟等計即其未戰而勝 有應兵有貪兵有騎兵救亂謀暴者謂之義兵兵義

敵之可勝常使不可勝在已可勝 抑亦有優而有劣乎昔之善為戰者先為不可勝以待 幾乎我可勝者果有幾乎我之所不可勝者其相當乎 宗 負 第之勝與不勝固較然也若曰不知彼而 之義兵而敢彼之貪以吾之應兵而敢彼之騎其論廟 所先急不 廟社稷生靈之計亦當處及此乎知彼可勝者果有 T. 知彼不 知羣臣為陛下計亦當言及此乎陛 知已每戰必敗則所 在敵 謂知已 此所以能不 知彼實戰之 知已一勝 下自為

次足四軍主書 三朝北盟會編

+

而 唑 專事攘竊而陛下一本仁義此道勝也敵專務奸詐 アンコート 能為矣然在我有未必勝者三又安得不自知也且敵 易寡爾臣觀敵有五敗陛下有五勝敵雖強且衆固無 其道 也尚矣以強 非袁敵也而 下一本忠信此德勝也敵起兵三十年用人如牛 屈人之兵也臣請為陛下言之且 則雖弱能強雖寡能衆失其道則雖 んくご 弱言則劉固非項敵也以衆寡言則曹固 項卒歸于劉袁卒歸于曹者豈有他哉得 卷二百 強 弱衆寡之不敬 強 易 弱 雖 氽 和

欠二日東山島 **父矣陛下項緣王倫與之畫地復聽其和當是時下** 下之人恥失其君悼丧其親恨不得殄滅此而朝食也 也敵前後專以和議與罔國家知質二帝屠戮萬方天 為 不忘父兄播遷之難方敵無約請和許還兩官奉臣以 和之請冀與天下休息此仁勝也敵自鳥珠用事上則 幼主以擅權下則殺親族以構虐而陛下夙與夜寒 不可獨聖意為於孝悌幸其必信斷然從之此義勝 人如草管而陛下視民如傷不憚屈已增幣俯待謹 三朝北盟會編

常之有哉金人之得計所謂福也安知不為獨所倚耶 旗夫收子者皆以為金人得計而陛下失計盖古人所 和之必至于戰無可疑者但變速則祸小變運則祸 臣每念及此未當不痛心疾首至於無如之何復自寬 曰福兮禍所伏禍兮福所倚一是一非一失一得夫何 民不得息于養兵之外歲取于民以供溪壑無厭之欲 有不滿其勢必至與師雖久近未可知而 和戎國之福者為其有以休兵息民也今兵不得休 理所不免

勝 也陛下有此五勝固可以勝矣然以臣觀之未見其必 計 變自彼則禍小變自我則禍大禍小則可轉而為福 大則滅土無日矣速在三年之內遲在五年之內自 福兮禍所伏也向失而今得者禍兮福所倚也此計勝 盟 彼實先之自我則我實故之令敵曾不二年無故敗 之理 而陛下向之所謂失計者今為得計向得而今失者 引兵入境臣然後知金人向之所謂得計者今為失 何則唐 爾宗 詔九節度討安慶緒重以郭 彼

一人で日からいか

三朝北盟會編

金少正是公司 者諸軍大會境上而不置統帥臣所謂未可必勝者此 為監軍景公使莊賈往賈後期不至穰苴斬之以徇 宣慰使而不立帥師次都南方與賊對未及戰而潰史 李光弼皆一時元功難相統攝特用魚朝恩為觀軍容 軍士皆為之戰慄由是晉師聞之罷去無師聞之渡 其一也齊景公召司馬穰苴為將以行縣晉之師穰苴 臣以為王師無統進退顧望責功不專是以及於敗今 以臣素甲賤士卒未附百姓不服願得君之罷臣以 卷二百二

相 急果可用哉臣所謂未可必勝者此其二也今日之兵 矣士卒之隸諸將者不可謂不親附矣而罰終不行 而解盡取所亡那内故境以歸今國家用兵十有六年 欠己口和上三朝北盟會編 人之立功而官爵則于已也且其平日猶或矛盾若此 隸楊沂中者則曰楊家軍分隸韓世忠者則曰韓家軍 使臨大利害想其中心必不能放相如之屈于廉頗 分隷張俊者則曰張家軍分隷岳飛者則曰岳家軍分 視如仇雙相防如盗賊自不能奉公惴惴然惟恐他 1 咫

能 潰 以統之初不聞 也又况鳥珠所 怕之不仇賈復先國家之難而後其私怨安能保 角 自為敵國而以刃相向 令也令不置統帥而欲求勝能保其必勝乎敵自 前後無處數百戰敵未當不勝我未當不败者非 者非他不畏我而畏敵故也使皆畏我而不畏敵敵 自勝恃我師不戰而潰遂成其勝爾夫所以不 其契丹自為一 領之兵無非脅從及合猶 耶臣所謂未可必勝者此其三 卷二百 軍而各聽其本國之號 能自號元帥 戰 其不 與我 敵 而

惠元李懷光四節度狀云四軍接壘犀帥異心論勢利 惟是敵人前後驅迫鄰國入為邊患逮二十年未當聞 則員絕高甲據職名則不相絕屬懷光輕晟等兵微位 分之而欲求勝能保其必勝乎陸暫奏李晟李建嶽楊 其有違衆犯令自為釁隊以相及者令諸将不和無以 亦何能為哉令罰不行于三軍而欲求勝能保其必勝 20 To 100 20 16 下而忿其制不如心晟等疑懷光釀禍蓄奸而怨其事 春秋以來如晉楚用兵以將帥不和而敗績者多矣 ٤ 月儿盟會編

金安匹是全 多凌已端居則互防飛誇欲戰則第恐分功齟齬不和 求其所以勝也臣願陛下慨然奮發自誹諸心選擇者 見陛下宜避正殿親出玉音而諭之曰今敵國深侵海 卿士從庶民從矣然後下明部遣安車而召馬逮其 徳素負天下之堅者謀及龜筮謀及士庭燻龜從筮從 **悄所切實堪疾心由是言之臣前所謂可勝者五恐不** 足恃以勝而所謂未可必勝者三恐不可不深思勢計而 疑滋甚覆亡之禍翹足可期舊患未除新患方起憂 卷二百二

内騷動士卒暴露於境予一人即不安席食不甘味社 之請今謀之上筮卿士展民敬自予一人之志得元老 爾 太公望然後遣行先行之数日遣語諸軍曰子一人以 稷安危一在 將軍顧將軍率師應之將軍既已受命陛 用命賞于祖不用命戮于社好或不和不請自底于罪 其俾統六師自閩以外咸得制之那有那典軍有軍政 1. 10 10 L. 1. 1 10 10 下乃齊戒告於大廟灼龜卜吉以授斧鉞如武王之命 諸軍元帥不立日夜憂之恐貼一國三公其能適從 三別北盟會編 支

苦暖隔之憂於念軍與以來金人所至積屍腥于草木 陛下追懷祖宗積累之難界付之重痛憤父兄戮辱之 敵臣見其一戎衣而天下定不得專為有周美矣伏字 其大而威有所不賞賞必及其小而明夫然後勒兵赴 而為將軍者臨屯之日又能扮循士卒同甘苦上不失 于關侯之驕下不失于張飛之不怕有所不誅誅必及 用古語云投機之會間不容髮又云後將強府悔可 血丹于川原母以臣人微言輕遂忽而不聽遂棄而

金グロトノニー

卷二百二

藝不獨今日當紹與八年六月王倫使金 還金遣使隨 議有九不可一可之説當紹與九年五月和議既定淮 倫報聘臣於是時固當有書致之前吏部魏矼以述和 及乎臣願陛下不為衆口所奪斷自宸東而必行之使 致之前左諫議大夫曾統以迎奉两宫有五事當為先 異時獲投機之功而免噬臍之悔實天下幸甚臣之狂 上興後以備两宫來歸宿食供頓臣於是時亦當有書

大小一口是人二十

去....

務之急惟臣區區憂國爱君之心無易二書重以家貧

懼之至 忠而曲賜保全無使天下以臣為妄不勝俯伏待罪憂 地寒遠去軒陛不獲自達是用致之魏石曾統展幾其 得之愚獻于閣下位甲言高罪在不貸惟陛下憐其愚 雖然亦非臣之私言天下之公言也故敢復進千慮 有聞于陛下不圖今日乃見陛下似與臣意有相符者 朝北盟會編卷二百二 卷二百二

欽定四庫全書 炎興下帙 三朝北盟會編卷二百三

魏侍郎在書之道竊聞之先民有言詢于芻養以謂 有所長不可以其微賤故忽之也之道比緣赴調 起紹與十年閏六月十八日庚寅盡其日 居

欠ってりってんます!

於臨安之隘巷者八十餘日朝夕獲問閱之言似有可

三朝北盟會編

今有被盗者家徒四壁立復不自量又從而東借西乞 得子女玉帛爾不以吾之所以館待者遇禮而遂已 特今日向之虚也以其衆今之虚也以其使敵之志利 年 致两宫北将萬乘東巡百姓墜于查炭追今十有四 者執敢以其所聞上賣聽覽惟執事擇馬其言曰王 使金選金遣使隨倫報聘國家自請原以來失於議 館待之具所至騷然甚於被盗夫金人之為虚也非 尚不覺悟又復縱倫賣國引敵人家以閱我虚實排 عد

副造朝不惟有以懾金人之心而奪其氣亦足以示朝 陳之父母之讐 不共 戴天兄弟之讐不與同國金 愚者干慮必有一得兹好所謂一得者乎請試為數事 廷之尊乃若議和則有九不可而一可之道聞此言如 金使之來自合用此例留餘人於韓世忠軍中令其使 以其所有而夸于盗其不為盗之招者幾希頃年章誼 孫近使金餘人盡留南京惟誼與近得至軍前稟議今 而醒 如夢而覺因謂同舍即曰智者千慮必有一失 三月七盟會編

當 一昨犯京師自凝宗皇帝明德皇后以下悉從播越今兹 當時諸將獨李晟以為不可諸相獨柳渾所言與晟意 漠 上仙雖云厭世其實殺之又況淵聖之與六官尚囚沙 言此其不可和者二也議和所以息民也此時厭亂久 合曰反覆之性非盟誓可結己而吐蕃果叔盟如渾 四海共情恨不得殄滅此而朝食也為人子弟者義 懼而求和宰相張延賞入馬燧之言請於德宗從之 何如此其不可和一也當唐德宗時吐蕃因沙堡之 晟

多定 匹庫全書

卷二百三

一之心循思靖康覆車之轍而懼其蹈也必欲議和是佛 矣孰不欲其通和而幸其休息哉令與議乃爾盖傷弓 弱 三百六十萬稱豫奉之未當偶有墜失一旦以計廢豫 民心民心則天意也天可違乎此其不可和者三也頃 所藏擔囊揭篋倒廩傾國而去若取諸懷不煩指 自車駕南幸金立劉豫於濟南以有中原之地歲責幣 師以居伐臣脾脫累年終不敢進非金勇而豫怯我 而豫強也盖緣既已臣事金人則猶子也為人子者 顏而

アストコース とこから 一切

三朝北盟會編

計者亦初不謂豫曰汝於金非有父子之親徒以我之 固 金字正是人 親也今敵欲和是以劉豫畜我此其不可和者四也當 於我也不復若金之不虞其逐也且日夜求所以勝 廢吏故立汝以為得志必將與我抗而為已之捍蔽 抗我則所以事已者不敢不至豫既扶金以抗我則其 我若仇而豫之所以見執於金者以其待金者過於 恐其不勝而見擒是則我之所以不能 不虞其父之見逐故金得以逐豫如反手之易為豫 卷二百 取豫者以豫 캕

CALL STATE OF 聆道路以謂金人歸我河南故地奉運两宫此其為策 寶元康定間契丹以重兵靡境追蕭英劉六符來聘意 歸我以地則不復限以爾疆彼界遲以歲月其勢必至 趙之流洋痛哭不為過也遂事不諫之道尚何言哉側 事獨不肯受賞曰此非臣之本志也嗚呼言至於此賈 在却取關南十縣朝廷命右正言冒獨為報聘之行仁 袓 不淺盖以今日所用之將所養之兵皆五路两河之人 重念兩國生靈之故許其屈已增幣而契丹平速卒 三朝北盟會編 四

積者然也金人之意若曰此不可以力 勝吾當還兩宮 童子所共知也而枝梧累年未當敗級者以其素所蓄 則成成則勇騎則怠怠則弱我師之不逮金人雖三尺 亦欲掃除强敵以刷父兄之辱而光於祖宗也夫人怒 上之所以宵衣旰食勵精政事注意甲兵者豈有他哉 之人恥失其君而悼喪其親常有不共戴天之情而主 解散兹殆與漢軍楚歌無以異也項自兩宮播遷天下 騙之彼既臣妄於我則將情和死備然後可圖也兹

年ラロ

たといる

卷二百三

たいりらいます 若星火峻如雷霆貧窮盡於抹求凋廢與於營繕其祭 實多者僅十數間少者不過四五樣而已自春及夏監 **茸廬舍然餘民百無二三所謂井邑聚落亦時華門圭** 淮西昨更兵火井邑聚落化為灰埃比雖招徠流亡整 未易窺測其萬一也且事固有未見其利而先受其害 司守令以奉迎两宫為名排備胜饒次舍織悉責具急 民時勞民力固在所不論竊當以一邑計其費不下五 不必以商為鑒前日劉豫之擒猶未遠又况包藏禍心 三朝儿盟會編

ぇ 黄巾之起於漢為禍殆有甚於金敵者此其不可和者 從之而兵不可罷則不能不於養兵之外橫賦重效歲 謀 金ダロモノニー 欲結好於我以邀歲貢從之而遂罷兵則非特不能 應 金人之不敗盟而乘我之間又忍朱克融輩變生不 谿壑無厭之求其勢必至陳勝吳廣之起於秦青 萬稱使金人誠還两宫斯民正復竭膏血驚妻子以 國一至此即令敵無約請和 所須猶將欣然不爾雖食王倫之肉可能 卷二百三 非出於謀則是厭兵而 謝哉臣之 测 保

兄之恥而見稱於天下後世若周宣復文武之上漢光 侯其力足以制金兵徐為進取之計此其不可和者六 地或暫得之復旋失之正使舉大河以南盡還朝廷度 其力果能保有之乎與其隨得隨失不若置之度外以 五也項年以來諸將非不進兵終不能取准北尺寸之 自古中與之主未當不因於險阻艱難惟其履險阻 難而益挫益堅因能與良撥亂而光祖宗之業刷父

一次で丁事二十三 朝北盟會編

之恢復疆守是也今得河南之地不足以立國而敵

存 此 在 以來中國之待外域不過征伐之與和親征伐則將 而不舉曰將在軍君命有所不受償從金盟而不與 者駢肩於庭督戰者接武於達方且傲視而不顧返 其責和親則廟堂主其議今天下之權 亡如越人視秦人之肥齊漫不加意遇緩急則雖 諸將諸將權重兵據要地偃蹇自肆視國家之安危 來和則必天地以要我自此以往雖使王靈 ij 振尚敢議恢復之事哉此其不可和者七也漢唐 卷二百三 不在廟堂而 日 張 請 帥 軍

次足四車三書 一一一一朝北盟會編 無禮不知朝廷何以待之此其不可和者九也然則 餡甥使於秦秦伯曰晋國和乎對曰不和小人恥失其 FFT 國之君今主上以休兵息民為重固不憚臣事金主且 以其主為君則其使盖同列也若金使援此為言倨 矣此其不可和者八也李義 琰當曰大國之使 可當小 尚結贊之意在窺窬是使諸将得以有辭而不復出兵 調一 將議使敵誠和猶恐自疑而至於潰叛萬一挾許 可者孰可哉韓原之戰秦伯獲晉惠公晉遣陰 ٢

廢 居貳而執之服而舍之德莫厚馬刑莫威馬納而不定 竹 君 而 而悼喪其親不憚征繕以立圉曰必報仇君子 祖宗之故地而為德於我以要我盟曰既盟之後言 而歸之初 E 知其罪不憚 而不立秦不其然於是秦伯說陰餡甥之對改館 人曰我毒秦奏豈歸居居子曰我知罪矣秦必歸 國 謂 居何對曰小人感 謂之不免居子恕以為必 不聞其以賄盟也今敵誠欲還二帝六宫 征繕以待秦命曰必報德以此不和 愛其君 秦

١

11 110

百

是 歸之我檢宗皇帝初不聞有負於金而生不得反其國 強之而無所事 賄夫誰曰不可同舍即曰子之所言九 死 侯也晉侯以三施不報有負於春伯之君民春伯尚且 不 有 又且要其盟豈服而捨之之道哉使金無所要但以 耶為今日計當以此意明告使者而俾復命前為 自我遂歸梓宫之與天眷猶當愧於秦伯况不能 可 於好各守封疆世世子孫其勿相犯有渝此盟明神 理固然矣所謂一可乃服而捨之如秦伯之歸晉

いったりうしてう

三月北盟會編

四性 時失信敗盟而已夫信者國之寶民之庇言之端善之 從是金無意於盟我何罪也大抵主和者為從目前之 主也茍信不繼盟何益哉且自古失信敗盟未有不身 安遂总父子居臣之義他日僕修先帝之怨亦不過臨 行不果再請屏著除伏小舟中因念古人身在献 不是君將次宜與復細釋前日臨安之有得於街談 日已當具禀目少見野人區區之意明日遂 禍而殃及後世者不可不戒慎恐懼也之道今月初 有無為 山山

卷二百三

懼之至 無所施馬轉禍為福實在侍郎一言干胃威嚴無任惶 憂宗周之隕女不念嫁而憂太子之幼亦其利害禍福 愚弄朝廷有同兒戲卒以陵夷我國家迄於今而不振 有以相及不得不然非過處也金人自宣和靖康以來 寤寐不忘宗社安危存亡之長慮此無他幾不恤緯而 鹿豕為伍不識治體不聞國論惟是區區愛君之心實 議者為之書以獻废幾有聞於吾君吾相而使敵計 上諫議會統書之道不佞待次里社與木石

三朝北盟會編

釐 金グロ 是時調官臨安獲間輿論有九不可之説常欲掇拾効 患失之苟患失之無所不至矣嗟乎此言誠足以箴當 承之不暇以自取欺侮戮辱而終不悔且悟何哉孔子 E. 世之膏肓也去年夏金人遣使隨王倫報聘講和之道 曰鄙夫可與事居也數哉其未得之也患得之既得之 方其設一 曰如是者奸也如是者許也已而合若符契不差毫 而朝廷之上乃獨斷然以為非奸非許也惟思其奉 一謀施一 計 雖下而小夫賤隷咸能料其將然 卷二百

下人人!!!

得報愚謂今日之事殆古人所謂可弔不可賀者請以 高罪也因止而趣裝以行行次宜與復念古人身在畝 愚獻忠以禪廟堂末議畫夜以思將成復毀曰位甲言 弘心不忘君之道雖不肯奈何竄名仕版乃忍坐視安 其採擇馬謹按魯信公十五年晉侯秦伯戰於韓春獲 五事上膏聽覽展幾朝夕造膝之際有獻於吾居而備 驛致之前吏部侍郎魏公矼以马有聞於上凡半年不 危存亡之機而不為一言耶於是慨然裁書託故人遣 二月七里,病

素可乎此二事也證按襄公二十七年宋之會楚人東 疏以自訟可乎此一事也謹按僖公三十二年晉人敗 秦師於殺獲其即孟明視白乙丙西乞術及晉還三即 唇社稷矣衆皆哭愚以為淵聖之南來俟其渡河即手 到 秦伯素服郊次鄉師而哭以迓之愚以謂梓宫及淵聖 日自天子以下素服郊次而哭乃密諭河南所遇州 切準此而其供帳之類悉去華麗采色而純用布

晉侯以歸及秦伯歸晉侯將反國使告國人曰孤雖歸

數百被以錦繡飾以犀象而魯山令元德秀獨製于萬 臣待其將至豫修陵寢繼遣一二大臣莅葢中取神觀 甲竊聞梓宮以下神觀無慮於十百愚以謂委西京守 命三百里内縣令刺史各以聲樂集河內大守輦優奴 言哉河内之民其塗炭乎因點河内而防魯山今兩宫 之最下者新而視之然後奉安及令諸道飭武備以戒 之歌遣樂工數十縣於而歌之明皇見而嘆曰賢人之 不虞可乎此三事也謹按唐開元全威時明皇幸東都 三阴儿温分编

其服 梓宫之還天子哭泣東經以從檀弓未益之禮可乎此 預辨數千匹之青布臨時該張以庇風雨而明認諸路 食供頓所經或無屋守乞依南郊青城故事行下有司 檀弓衛司徒文子問於子思曰喪服既除就後乃差則 勿造宫殿勿飾器用以重費斯民可乎此四事也謹按 寂無來音而准西一郡之民已有二十萬稱之貴矣百 足居歌與不足百姓不足居歌與足愚以謂兩官宿 何對曰三年之喪未產服不變除何有馬愚以謂

金定匹库全書

卷二百三

昔齊仲孫湫來省魯難既歸齊侯問曰魯可取乎對曰 五事也是五者雖若無補於國家安危存亡實此係馬 枝葉從之魯不棄周禮未可動也君其務寧難而親之 思之母死於衛有若謂子思曰子聖人之後也四方於子觀 若仲孫承者乎愚故謂安危存亡實上斯舉種弓曰子 親有禮霸王之器也庸詎知兩宫來歸金人之使不有 不可猶東周禮周禮所以本也國將亡本必先顛而後

マンコラ 山田司

禮子盍慎諸孟子亦曰滕定公薨文公五月居廬未有 三朝北盟會編

金少巴是人 於前及詳於魏公之書敵人之不可信也尚矣盟如敏 王之君愚以謂為今日計患在主上不能禮下尋臣以 句践亦當臣妾於吳矣終而卒滅吳以朝魯衛陳蔡執 悦嗚乎斯禮也可忽哉至於金人之情偽則愚已畧見 可 奉之者有限而求之者無厭此其勢必至於用兵所不 FJ 命戒及至差四方來觀之顔色之感哭泣之哀吊者大 而平凉之會循或叔之今臣妾蓄我初無盟誼夫以 知者特其遅速遠近而要不能免也雖然苦者越玉 卷二百三

吳而不在臣妾於金也不然危亡且在朝夕不識執事 集其謀與犀臣不能輔佐主上以雪其即如越王之報 以為何如祖宗積累至難宗廟社稷至重惟執事其為 國家念之干胃成嚴無任戰慄

夕了三人三

三朝北盟會獨

金少丘居四門 三朝北盟會編卷二百三 卷二百三

C. 50.2 P.F. 時政秦槍思男復用乃令御史中丞王次前誣以罪言 司南京邵武軍居住趙門聞金人敗盟用兵乃上書言 欽定四庫全書 二十日壬辰張憲克顏昌府 炎與下帙 三朝北盟會編卷二百四 起紹興十年閏六月二十日壬辰盡十二月 三月化盟會編 宋 趙男青授朝議大夫分 徐夢峯 撰

政其憾不可釋矣 飛 逐責授馬秦檜之憾男其始也男罷宰相出知紹 檜具筵錢於浙江專不留而登舟其既也馬上書言時 王勝 二十五日丁酉岳飛將楊成及金人戰於鄭州克鄭 二十四日丙申張憲及金人戰於陳州張憲克陳州岳 令統制趙東淵知軍州事 勝克海州擒偽知州軍士王山韓世忠遣都統制 率統制王權王升等諸軍取海州偽知海州王山 劉光世四軍太平州 賏 府

金好口居人

卷二百四

及統兵官花太師至磨行與官軍相遇官軍擊退之去 皆 海 至 城勝令諸軍分地攻擊勝坐於北壁湯下令諸軍早飯 要白米猪肉段子食畢先使搭材以長行擊刀斷其釣 フトンフランニュー 下轉城不住捧舟超城北城上以瓦礫拋擲亂擊舟 ٦Ł 繩釣橋落以大竹卷草如黄河卷掃樣使數百人推 不顧而行逼曉至城北是時花太師退兵唯王山守 州六十里勝令二更到城下諸軍齊追果二更至城 門下釣橋 有妨碍處即以鋸截去之然後推 三明比盟人一漏

皆入然火燒門道尚有燒在瓦礫之下舁水沃滅之治 率兵到城下不及戰而退去父老僧道詣勝唱出得罪 道而後勝入坐於十字街之民舍生執王山時花太師 次於門外而第四隊周成先入行隊皆入成舉認旗於 火燒門盡打火亦滅有磚及盖地地不甚勢行隊方鱗 火凡三卷壅其門而火登陴守者於黑烟中鄉磚及打 上泉呼曰周成第一勝傳令盡開諸門諸軍自諸門 曰國家以海州久陷偽境故遣官軍收復境土國家

金好巴屋全書

卷二百四

專行仁德不事殺戮各各安心照管老小父老再拜 者少項攻城居人方稍避之世忠每出軍令諸軍秋毫 給諸軍即時報世忠勝在城北居人猶未覺尚有賣糕 裒斂金銀如有猪肉米穀犒諸軍一飯可也父老拜謝 曰欲乞裒斂金銀将軍勝曰官軍入境秋毫不犯不須 二十六日戊戌張俊克亳州金人復占河南以酈瓊 而去率級城中猪羊牛驢并般擔米麵将軍勝受之分 73.17 不得擾民諸軍經過偽境路傍有農夫時倚鋤而觀 三阴七盟人編

医产四库全言 書而焚之柳立項送獄俊所遣二人猶未知乃作商賈 我齊文字來招勵太尉守者不敢隐遂送瓊所瓊不發 輔世同立先往輔世遇毫宋人有相識者具以情偽告 齊書先行至門守者問之立鄙人無謀乃言劉相公遣 同往招瓊張俊亦遣二人齊書招之暉令南京進士祭 且曰公見鄰侯未可直之當徐徐也輔世知其意遣立 亳州劉光世遣使趙立齊書至壽春府孫暉就差一人 入城隸曲詣州衙計會通報既見瓊則出其文字瓊亦 卷二 百四 題是與後會於城父於是瓊謂三路都統曰夜又來矣 壽春矣後以大軍至城父是時王德巴下宿州即引兵 囚之并文字解送鳥珠命凌遲處斬於京師瓊發二人 老具香花迎軍入城初軍見國家軍馬出酒食的軍德 其鋒未易當請避之遂率衆通去後軍至城下百姓父 之曰智勇自見屢以不戰之功果毅敢前如踐無人之 功居最遷與寧軍承宣使龍神衛四廂都指揮使制有 之次日亦解趙立行密諭部送人縱其去時輔世復回 三明儿丑、漏

金库工屋台灣 境德甚慰院 亳州留兵干人與之百姓失望楊珪者以子弟所授官 空遂大雨霧露甲士皆坐於水中徹旦退軍留宋起知 軍馬在亳州一夜星斗晃耀夜半後俄有纖雲倏忽滿 大喜遂令珪知濂州廷用刑峻酷人不敢犯金人交還 授之俊方經營淮北當曰當用諸練偽境事情者武臣 為邊知州使之經營淮北廷知之乃具劉子迎合俊意 劉豫後歸朝自言是武功大夫而張後以武功大夫 張俊退殺前知濠州楊廷於途中張俊 卷二百四

七月二日癸卯岳飛張應韓清克西京 選投之於途中以逃亡聞揭榜召人捕捉之 河南也珪受代往宿州居於歸受館中獻烏珠取江南 . b b . . . P. . . 之策烏珠不用復還宿州是時後軍馬到宿臺間珪迎 六日丁未季興知河南府兼主管本路安撫司公事特 知金人敗盟曾出怨言事故自邵武軍安置潮 授清遠軍節度副使潮州安置秦槍令王次翁誣趙男 之又獻平敵書與俊俊知其投書於鳥珠不中乃與俱 二月七里會漏 픠 趙男責 州

成棄西京遁走於孟州與遂申朝廷乞差即臣官吏湖 轄李與聚兵迎擊収復伊陽等八縣又敗金人於河清 轉右武大夫忠州團練使初金人逼西京河南兵馬鈴 轉右武大夫忠州團練使訓辭褒美仍給真俸皆出異 縣奪到藝祖皇帝御容乘勝收復鄭汝州偽河南尹李 恩也先是程與常鎮撫河南許以便宜行事許與依程 至是詔下就除與知河南府無本路安撫司公事仍特 北京西宣撫使岳飛差兵官都最焦元蘇堅方來會合

多定 匹库全書

卷二百四

數十創 興例是時張應韓清亦報收復西京矣 楊 多貝勒 日已酉岳飛及金人鳥珠戰於即城縣敗之楊再 騎入敵陣欲直擒烏珠不獲殺數千百人而還自被 再與王蘭高林及於陣楊再與王蘭以五百騎直 四日乙卯岳飛統制王貴姚政敗烏珠於賴昌府 日辛亥岳飛敗金人於即城縣是日殺金人將鄂爾

アスハフラー ハラショ

三朝北盟會編

去

金少口 敵勢眷乃忠勤宜加撫惠應本府見禁罪人除犯叔 **隣犯境王師扼衝惟爾吏民協濟軍事保杆城壘驅遏** 官員犯入已赃將校軍人公人犯枉法監主自盜赃 故殺鬪殺並已殺人者並十惡罪至死偽造符印放 敵 之獲再與之屍焚之得箭頭二升天大雨溪澗皆湍溢 献 陣殺數千人再與與蘭皆戰 殁高林亦戰死聞者 九日乙卯順昌官吏手詔 騎不得進官軍乃得還 卷二百 韶順昌府官吏軍民等

沙芝 日車全書 三朝北盟會編 敵人焚叔財產屋業者並依灾傷法縣濟給舊使如曾經 放散委有武藝才力可使者依舊沒補支給請受管內 奏其餘死罪降從流流罪已下並放官員在城守禦者 至死情理輕者減一等刺配干里外牢城斷記録案聞 依法内枉法自盗罪至死情理輕者奏取指揮關殺罪 逓 放三年外更與放免二年管下諸縣及鄉村人户會被 並與轉一資軍人等第編設一次民間租稅昨降赦已 鋪兵級更與犒設一次逃亡軍人限指揮到 百日内

軍飛亦以不可留乃傳令回軍而軍士應時皆南劉旗 令知悉 四日乙亥韓世忠圍淮陽軍韓世忠圍淮陽軍命諸軍 靡轍亂不整飛壁之口味而不能合良处曰豈非天乎 縣 許於所在首身依舊妆管限滿不首復罪 月 有民間利害守臣條具以聞詔書到日明告吏民各 楊沂中軍於泗州 日壬戌岳飛自郾城回軍岳飛在郾城泉請回 如初應本府

ľ

齊攻之有帳前親隨成関者隨統制許世安奪門而入 改足刀車主書 三朝北監會編 以弓馬久之轉至武藝即為帳前親隨而奪門立功世 為僧童世忠尋而得之受其叔之思澤補初官世忠教 閱之叔父戰於馬家渡身死所得恩澤無子承受時閱 於是併力以禦飛飛兵不能支襲敗告急於錡倘為出 安以箭瘡不能乘馬遂肩與而行世忠怒 戰奪門復出問氣絕而復蘇者屢矣世忠大呼賞之初 大戰於門之內関身中三十餘鎗世安已脛中四箭力 金人探知

牧 充准 江壽春守臣孫暉與統制官雷仲已棄城而出金人於 步兵不滿二萬騎數百而已是月十九日錡被命北 塗金人懲敗簽两河之人於各部其數十萬大舉為南 别 兵至宿 兵牽制抵太康金人乃退飛軍得還於是殿即楊 無軍馬朝廷亦命舒班師歇泊於鎮江已而移軍當 計十一年正月攻壽春朝廷復命舒屯廬州舒所 北宣撫副使而以绮為判官自行在朝回泗上出 州累與金人相遇而兵敗復渡江歸行朝江北 存忠 將

卷二百匹

是入壽春盡殺守城南兵干餘人繫橋三道渡兵淮上 ここう これ こまらつ 襲绮是日晚追及於西山口相去數里時小雨連日軍 州城中無守臣備禦之具皆缺官吏軍民散出逃遁止 二十五日绮至廬州駐兵城外時廬州帥陳密學卒於 TI) 馬瘦乏鲭自以親兵八字軍數百人殿其後據山口西 領兵復回二十六日金人大兵入盧州遣輕騎數千追 有淮西宣撫司統制門承宣兵二千餘人至是亦奔竄 出鉤軍未集輜重尚遠而敵遊騎已至城下鉤於是 三朝北盟會編

金グロ 得東關之險 諸 渡 <u>:</u>!!! 佳 使眾軍飲食記西向列陣以待追騎望見鋳旌旗後 不敢逼 軍占擇共超東關依水據山以過金人之衝自金 兵逼 淮 雖時復遣兵入無為 二月十五日 淮南之人為遷移之計惟視鉤兵以為安危绮即 A Tilling 江者盖 相持至晚各解而退次日崎結陣 稍休士卒兵力復震金人大兵振 爠 乃渡江采石以 舒之乘其後 卷二百 軍 和 州 保 界 也 内 和 江 南 舒既得俊 剽 掠 由是少安 徐行號令 而 不敢 廬

至朝廷乃命三宣撫合軍併力以禦金十四日鋳起東 **江聲援相接乃相約進兵而殿帥楊存中亦自行朝而** 绮軍少意甚易之有出入於寒前者錡乃令軍士曳柴 舉與金人相遇夾河而軍柘通巢湖潤二丈餘金人見 **壘橋須臾橋成遣甲軍數隊過橋時卧槍而坐金人望** 山金人遊騎在無為軍和州界者皆退十七日錡在柘 關領兵出清溪邀擊金人收復巢縣俊亦遣先鋒至含

次足四車三書

見復入不敢出良久俊遣其好總管及統制王承宣田 三朝北盟會編

撫 奪 舉 淮 金人戰諸軍雜 東漕 斧手 承宣 棄遺以為俘獲而鉤軍中一 不 兵北歸錡既勝以所 俱至廬州城 得據掠諸軍騎兵多者各乘勝襲逐搜 師中與楊存中並以騎兵相 胡直 堵而前 奮鋭擊之金人大敗退歸 閣 tt 肪 下數日之後俊存中大軍乃始 淮 横騖而進内 西漕李數文仲孺江東清陳即中 籽步人甲重 無所取二十一日三宣 騎兵有稍 不 與特 不能奔馳一 廬州烏珠乃 却者銷令産 角十八 羅販 畢集 下今軍 散攘 F 與

ī

譽又拿然故諸將皆切齒嫉之至是俊存中雖外合同 然而三軍進退主盟於後而存中又俊之腹心也鑄以 敏 至會集於軍前是時朝廷雖命三宣撫合軍不相 進 順 其實軍旅利害二人同心錡皆不得預聞又不得專 止方金人之初退虚實未明三軍相 昌之功縣至節鐵朝廷委任過諸大將而朝野士民之 識皆被命隨軍饋運朝廷又遣兩將漕張少卿滙繼 視猶豫未决但 節制

欠いヨラノニまョー

閘

俊存中議欲棄壽春而移廬州於巢縣以廬州為合 三朝北盟會編

+

澽 援 金牙巨左台電 淮 肥 陵 乃 火 去已遠 撤運遂議欲支錢糧軍士人一干 使之附帶竟 命諸清備十日發糧諸清以水 至三月初 而凛州自金人侵困圍閉城守日夜遣人至軍前求 楊 1.1.] 戰 太尉 耀兵准上安撫湯 可自此先回 而漂 · 渡瓜州以歸臨安庭道 有被擄人民自淮上竄歸者皆言金人渡 路又通 徑 取采 初 **梁之民而吾軍取宣化以歸** 卷二百 五 日 石歸太平吾與楊太尉至 俊因會飲 路 路宿食棋爨不 止於廬州陸 謂绮曰 公步 路 相 無

命 トアコンヨラ かまる 漕之議及江東陳清撥水路網運入滁州接二軍是夜 存 二軍 里地名黃連埠各駐軍比至則金人已破濠州殺太守 謂存中曰两府何以處存中曰厮殺耳相公與太尉 王進盡據州人發掘城壁而去俊乃召存中錡謀之錡 中移 軍中亦負十日糧維二軍而行初九日去濠州六十 圍豫州甚急俊滋然失色復遣一使臣馳邀銷舒遽 調發遲明軍馬盡起獨俊留兵数百未行六日早 俊帳會食記二帥先行去數里探者復報金人 三朝北盟會編 <u>+</u>

圖 栽 野此危道也金人雖詭計莫測令不若據險下寨墼地 足以為營仍約逐軍選募精鋭旦日入濠州俊遣斥 有 後基當居前有進無退錡曰有制之兵無能之將 此全師 且軍士被甲荷糧而 進無所據人懷歸心勝氣已索又糧食將盡散處過 木使根本不可動然後出兵襲之若其引去徐 利害之兵有能之將不可御也令我軍雖銳未為有 保勝之道願相公圖之諸將皆曰善於是馬 移今已數日本援湯州 凛 為後 可御 州巴

金ヶ口

Ė

卷二百

0

城上伏騎分两翼而出存中謂王曰如何王 數輩還俱言濠州無金人或 謂金人破城之後 無所 見俊乃遣將官王闕 又畏大軍之來尋已去矣錡乃再遣數百往探旨無所 行惟楊存中與王承宣領二干餘騎而往以两軍 可乃曰其統制官也安敢預事太尉為宣撫利害當處 陣未定而金人伏甲騎萬餘於城两邊須史烟舉 錢隨之四更起黃連午時騎兵先至濃州城西衛 謂鋳曰已不須太尉又去鍋乃不 三朝北盟小漏 知其勢不 所選

金声匹居全書 散亂南奔無復紀律其步人見馬軍走謂其已敗皆 不 道黃連三軍間之皆拔塞而起存中長驅十二日渡 乃歸當塗淮西之事大略如此以士大夫所聞 金人追及步人多不得脫殺傷甚衆遺棄罷甲相屬於 復追而回鋳至和州 楊遽乃以策麾其軍曰那諸軍聞之以為令其走爾 得其實予終始從事其間故得而具記之 十四日渡江鍋乃按 卷二百四 部伍整旌旗最後徐行金人亦 駐軍馬具奏二月十八日得肯 稍異多

500	5 WAR BED - 10 TO BE	52100383 000072N			instruction of the second	
2				 		
Ì						
-						
מאת לישור ז לידוים						
/						
三阴北盟會隔					•	
占						

金万里后手言 朝北盟會編卷二百四 卷二百四

いったい可いるといから 欽定四庫全書 准西宣撫使張俊擺流星馬斤堠於淮西令姚端主 五日乙卯金人攻壽春府 炎與下帙 朝北盟會編卷二百五 年正月張俊來朝 起紹興十一年正月盡三月九日戊申 三朝北盟會編 金人陷壽春府金人侵 撰

绮問金人已入城 路問道出芍藥口繼屢釋之曰汝時 矣 之飛書灣報交馳於道路淮甸居民不得安業而驚移 二十九日已已邵隆襲金人於芍藥陂敗之又敗於鴻 人遂入商州 州邵隆 民母总本朝衆感復攜幼弱來歸陰遣其子繼春率 生獲阿穆爾貝勒克商州邵隆棄商州也乃領兵屯於 金人陷商州金人哲爾格貝勒以步騎五萬攻商州 知其不可守乃焚倉庫毀廬舍棄城而去 金

金少口是二三

卷二百五

大きりいという 二月三日壬申金人陷廬州初朝廷命劉绮守廬州绮 勒除始也十日糧過期士飢臠死屍當草本疲困日甚 棄廬州與張俊統制關師古冒大雨率泉而南金人陷 春亦破洛南縣金人遁去陰加右武大夫榮州防禦使 千來攻降設三覆以待鏖戰兩時許大破之禽阿楊爾具 及戰隆親鼓之呼聲動山谷無不一當百遂獲大提繼 入城巡城一匝曰城不足守也會報敵騎漸及州境錡 出商州之北以張其勢而移軍鴻門金人以精兵五 三朝北盟會編

騎至含山縣一百二十里半日而至以五百騎探和 者回報金人已到含山縣漸及和州時張俊諸軍雖已 韓世忠岳飛以兵援淮西 動静回報無軍馬內子以六百騎再探之四報無軍馬 六日已亥金人攻 含山縣 丁丑以八百騎往探回報南軍渡江金人即漸退去 日已卯張俊軍統制王德渡江先入和州建康府 州大縱殺戮 初五日金人到柘皐乙亥馳 州

卷二百五

促裝猶未起發安撫使禁夢得曰金人已過含山縣 V 9 ... 1 1000 先得和州者勝王德曰王德當自先士卒為諸軍先鋒 長江不可保矣夢得請為證明具聞朝廷宣撫當命諸 距和州綫两舍豈容更候探報萬一和州為金人所得 矣或報已失和州者德曰德請復取 軍即令鼓行此行必勝俊遂令諸軍進發諭諸統制曰 渡采石約俊明旦會食於和州至中流聞敵勢盛衆莫 俊肚之將士皆鼓舞難隸而行識者謂其氣銳可以勝 三別北盟會編 和州乃率所部兵

渡 敢前德驅之進權首先登岸俊宿於江州德率衆徑 保 破其軍金人退軍也日行三五里或一二十里退至柘 不勝歎嘉是時俊已具奏敵已在臣計中乞免聖處决 約金人猶守昭關捷奏至上親筆諭後曰自 下馳驅先登遂占和州諸軍始得渡俊入和州會 無虞上得奏大喜 江晚夕為念得報已復和州卿謀處精審分朕憂顧 日丁亥張俊楊沂中劉錡及金人 戰於柘華鎮大 卿提兵 食

金产匹度全書

卷二百五

皐柘皐皆平地金人謂騎兵之利也張俊楊沂中會劉 墮馬德乘勢大呼馳擊諸隊德引弓軍時鼓譟金人以 錡之軍皆到烏珠率鐵錡十餘萬分兩隅夾道而陳沂 陳動有一將被鎧躍馬指畫部隊德引弓一發敵應弦 勁騎吾當先破之乃麾軍濟渡奮勇先登簿其右隅敵 中輕進不利統制官傳達被箭中目王德曰敵右隅皆 子馬两翼而進泉鏖戰大敗之金人退還紫金山

ここううとう

绮謂德曰昔聞公成界如神今果見之請以兄禮事公

三朝北跟會編

報俊引霍去病趙雲不問家事以堅俊之意且言今日 神聖祖宗成靈僅能破散安敢以微勞自於上益喜均 皆與之柘皋之後後發家書屬粮照管家事穠有書 舒遂再拜馬俊有愛妾錢塘妓張穠也知書俊文字穠 見臨軒勞問而訓練官任存曰臣生長田舍間賴陛 加封雍國夫人俊以立奇功将佐十八人奏聞上皆宣 之事惟在於宣撫不當以家事為念勉思報國俊得書 釋然而喜遂以其書繳奏上大喜親書獎諭以賜穠 匹 卷二百 H

賜金帶銀銀而別賜金珍與存 征写水源而不顧雖南仲之出車就收葉公之受命飲 十九日戊子李顯忠軍統制崔舉敗金人於舒城縣 錫勞軍歷眎戰地宣旨褒罷甚渥 水方之於鄉未足多尚又遣入内内侍省副都知陳永 以身徇國雅志平敵総干以俟仗義而趨总家室以專 州與楊沂中劉錡之軍皆駐於廬州上親筆諭俊曰卿 二十日已丑張俊克廬州金人退於紫金山張俊得廬 1 1111 三阴上盟人編 知襄陽府劉錫召

而去一日趙榮以百數騎至城下進登城里之榮語進 判軍州事張綱以邊機事請赴行朝進許之網遂泛舟 山也濠州官吏皆謂金人必以銳兵來攻城請於知州 公且開門縱民出城使之為避地計且准岸舟船頗多 曰大金以精兵三十萬旦暮臨城必要濠州勢不可當 王進使善備之進亦以為然發書告急日至再四而 月四日葵卯金人攻湯州金人自柘車退兵於紫金 通

金定匹庫全書

赴行在

極密都承肯周幸往措畫江上

能全節於朝廷乃為北軍游說即使勁弩射之際大怒 滿城生靈寄命在足下足下宜念之進怒曰趙榮汝不 若水路陸路從便領城而去不三两日可以獲安方今 續相屬不斷旌旗蔽野買埃翳天州人望之猶皆戲簽 浮梁渡淮甲辰以鐵騎數萬人列於東門之外連問被 以從便避地之謀力請於進進不從癸卯北軍自延陵 秋毫不擾今所以來城下言者正為憐舊治之民耳或 少退馬進良人而去州人趙榮自偽知州事撫恤軍民 1 1 1 1

者王進令以職擊之而職等折者再既而職石直上十 城立礙且治衝車雲梯而又立鐵爐鎔金汁將為攻擊 至城下招降而守陴者怒罵之 司數百在城中北軍謂樓橋皆腐爛攻之必破乃使人 有餘而兵粗足尚何畏哉是時進有兵干餘又有宣撫 以謂冠罷受圍時城中無兵無食尚亦能支况今之食 日丁未湯州兵馬鈴轄邵免叛降於金人金人陷濠 知軍州事王進被執大肆焚掠金人攻濠州乙已對 卷二百五

金定匹库全書-

數大不離礙座而墜擊殺曳職者數人識者皆以為不 **職擊損州人大恐時城中民兵進以為不可倚用乃令** 雷霆震發城土與及屋皆動矢石如雨東南敵樓為飛 祥丙午金人以衝車雲梯之屬俱傳城壘數面力攻如 : 1 於問慢處屯止以隨行兵及宣撫司兵守城進兵多福 策應進不從由是守四弓弩皆不發進出入以鐵扇為 戰之餘也皆人可當百請以民兵守禦使官兵為四壁 建人未常經守禦或謂民兵自數年兵火以來莫非百 ... P.L.I. 三阴止盟、漏

被呵喝如常人皆寒心悚懼其日夕馳望者宣撫司救 數萬之衆莫不離散而官府解定觀寺與居民盧金片 火於城中大肆剽掠凡貴贱老幼悉驅擄出城外由是 者乃前知州楊珪之黨也民皆切齒怨之至是先為亂 兵而已丁未兵馬鈴轄邵宏擦城投拜具言城内虚實 軍遂乘勢登城衆皆奔亂城陷 北軍遂益兵擊東南隅焚其樓順風火烈倏忽而盡 所殺進奔馬入即宅朝服坐於廳事遂就拘金人縱 知鍾離縣事减師仁

禹庆匹庫全書

卷二百五

間 在盧州也豪州發流星馬告急者日三四適會俊與沂 **瓦不留時被焚勢其所存者惟監郡解後土地堂屋** 埠而城已陷 存者惟東壁女牆數十步而已初張俊楊沂中劉 退還江上矣俊遂越過定遠縣不得已令諸軍超黃 绮軍皆退廬州諸軍各人負十日粮米欲越過定遠 有全五數十枚木楊數根至於城面亦平毀數處其 日戊申楊沂中率兵襲濠州不克楊沂中間濠州已 三阴比盟舒编

息 申沂中率兵馳至城下寂然無所聞唯城中有烟埃未 而焚之仍取遺棄衣甲而去 中漏矣官軍亦還翌日金人至周梁橋次北軍之屍聚 敗出兵救之與敗兵相道而行金人漸止漸退時已近 陷欲乘其囂亂襲擊之張俊劉錡曰未可沂中不從戊 官軍退走金人欺騎追之官軍奔周梁橋俊開沂中兵 路者士卒皆下馬拾遺物而北門外金人伏兵皆 探者曰城中一空沂中遂令士卒入城有遺棄衣物

金好正是全里

港二百五

宣撫司舟船數百艘載甲卒亦淮而上欲解圍濠州金 **致定四車全書** 抳 也 大金已造人伐木欲塞河捉舟船請宣撫速歸我趙荣 船 人以鐵騎追及沿淮以良工勁弩且行且射於是矢著 人覺之先遣人於下流赤龍洲給曰赤龍洲水淺可 諸 淮 世忠以舟師遇金人於赤龍洲韓世忠以舟師准東 如蝟毛及至赤龍洲金人已伐木漸運至淮岸未及 而舟 軍聞之皆以其言有理世忠亦命舟船速回而金 船已順流而下幾為所捉金人自此遂 三朝北盟會編 歸

毡 偏爱食此藤兵士為採藤花歸已移時矣坐間失其被 師張俊楊沂中韓世忠廬州退軍也士卒人負十 重 如此建康軍中盡刷在寨應諸窠坐人及工匠各人 行人皆掩臭罵之曰大軍燒火待炊提舉催糧不留 至宣 既至黃連埠軍皆乏糧遣捷足及馳馬往建康催 踵 埠屯駐軍亦 相 化不渡坐於民舍呼巡檢兵士令採藤花曰我 躡也及遣提舉一行事務辛永宗親往惟督永 班 師 張俊 楊沂中韓 世忠劉绮皆 IJ 糧

管 負米六斗星夜渡江又留守司就近呼集上元江寧 中分路之和州俊沂中自宣和渡江軍於建康錡駐和 縣民夫相繼而行亦人負米六斗務其輕快也以縣丞 次 三甲主書 州 之米悉棄於路側奔而歸曰歸到家不過賠米六斗而 平 و 管押官縣承竟不曾渡江諸軍既至滁州錡與俊沂 押已有到滁州者會諸軍班師而軍兵與民夫所負 州俊沂中皆憾之是時世忠亦以舟歸楚州俊進 不渡申取朝廷指揮几十一日得指 三朝北盟會編 揮渡江遂歸太 两

南 美 震 廷 大兵入京師留守孟庾投降分兵復取河南之地東南 成遂 震於是下命以韓世忠 張俊岳飛各以本路宣撫 月率本部軍馬赴任中途而金人敗盟四太子鳥珠以 . . . 憾之淮西從軍記曰紹與九年已未歲金人歸我河 故地十年春朝廷命馬軍即劉錡充東京副留守三 河南北諸路招討使是後也岳飛不出兵為聲援 動六月錡大破金人於順昌烏珠狼須敗還朝廷之 河南北招討使並進兵関六月至七月世忠取海 朝

宿喜遂還壽春引兵南渡而歸生擒金七十餘人李雪 應既而三帥相繼班師先是飛方至陳州而後已闕 從十數追及叩岸呼爾為誰時獨之衆皆緋補頭巾絲 以為實驗實然之已過雅陽軍知軍賈舍人乘馬率人 欲殺之曹洋曰不可我方欲歸朝廷何不留金人生口 引弓一發 賈含人中矢墮馬船已行矣出清河口渡南 補礼為號寶應曰我曹州簽李三也欲歸朝廷耳言記 取亳州又取宿州飛取蔡州又取陳州京東西皆 三朝北盟會編 <u>+</u>

金庆中人生 岸而見胡深作 朝 甚厚實以生口七十 餘解赴世忠世忠大喜 世忠差許世忠王權來接引而戍寶到楚州世忠犒勞 會編卷二百五 寨聚居民養種深乃具申宣撫使韓 卷二百五 劉飾來

欽定四庫全書三朝北盟會編卷一百姓

詳校官庶古士世何道冲

編修臣表請覆勘 總校官檢討臣

校對官中書臣 腾錄監生 朱一政校對官中書 楊世絲 何思鈞 大小り車へます 言其罪近遂罷多政官祠 CHIEF STATES 俊都督諸軍秦檜怒令御史中 三朝北盟會編 為資政殿學士提舉臨安府洞 月二十八日壬戌 韓世忠張俊岳飛

商 南之意不久必復取之乃作料理河南之策書寫成帙 授 參議官王湛字彦清商州人畧讀書史受業不專多機 湛所投勢於宰相秦槍槍喜荐湛改官為樞密院編修 而見樓炤炤未之信既而金人許割三京地炤大驚以 湛使詣行在湛至行在匿除所授之文改為已投勢 許避兵於川中會邵隆退在川中湛屈已奉之陰 朝 yt] 湛亦隨隆歸商州漸補以官隆料金人有交還 王湛為節制陝西諸路軍馬魚措 ("| (") 卷二百 置河東忠義 河

官隨 製 致 飛披 忠俊皆除樞密使賜俊玉帶飛樞密副使世忠既拜乃 副使范同獻議於秦檜曰諸路久握重兵難制當以三 二十四日王辰韓世忠張俊除樞密院使岳飛為樞密 深 帥皆除樞密使副罷其兵檜喜遂奏其事上從之世 一字中入都堂則裹之出則以親兵自衛槍頗不喜 炤宣諭陕西回金人敗盟用為節制司参議官 疑 襟作雍容之狀檜亦忌之唯俊任其自然 故 檜

次三日車三十二

三朝北盟會編

臨肆其偏禪咸得專達尚慮令行之始或隳素習之規其當勵 集全功延登東鉞之元勲並任本兵之大計儿爾有衆朕親統 列戌七大暢於軍聲而專統一問顧猶分於兵力爰思更制度 きららした 五月七日甲辰部論諸軍的日於昨命虎臣各當間寄雖望屯 兩官張俊獨留提點諸房文字王應求一名餘並發歸本 軍 將之以御前為名謂之御前諸軍宣撫司並結局官屬各轉 二十七日乙未罷淮東西湖北京西宣撫司諸軍以御 前為名罷淮東西湖北京西宣撫司止用逐軍統制領

次三日奉三十三 名之會咨爾任事咸服訓言更制之初人心未定故降是豁 阜之功也制解有曰屬一隅之匪姑裒衆類以深侵初 二十七〇甲子王徳加清遠軍節度使王徳建節賞柘 前副都指揮使 二十三日庚申楊沂中加檢校少保開府儀同三司殿 殊庸人的自然高爵重禄朕豈遐遺尚聽忠義之誠共赴功 於乃心以務肅於所部簡閱無嚴其舊精銳有加於初其續 衝突於淮壖宸蹂職於江滸賴爾先登之勇遏其方鋭 三朝北盟會編

其果戰也至是賞柘皋之功與王德皆授節鉞人無智 遷中軍將從討李成遷中軍統制其妻乃俊之子婦也 陳通於錢塘禽徐明於嘉禾皆有功俊用為帳前提轄 建炎初從統制張俊討李煜於東京平杜用於陳州誅 不啻如親父子故每戰必有奇功而天下之人皆不信 俊子亡遂以其婦再適師中師中極諂伎呼俊為阿爹 馬所子弟補官從京東河北制置使梁方平累立戰功 田師中加定江軍節度使田師中字吉南以弓

そりと

ارا المارات

卷二百六

仕薨汪伯彦以宰相敗事責永州安置秦檜當在其席 愚皆以徳為當而不稱師中 二十九日丙寅汪伯彦加檢校少傅開府儀同三司致 清議不容臣條言其誤國遂得官祠時紹興元年也二 士江東安撫大使華壽春府廬和等州安撫使知池州 大いりちんならず! 年檜再薦復資政殿大學士九年檜專國遂復伯彦觀 年檜再薦伯彦知廬州四年臣僚言其罪落職罪之七 下讀書及為宰相薦其才復正議大夫俄復觀文殿學 三朝北盟會編

戰劉錡不力謂其怯懦至是罷錡淮北宣撫判官岳飛 朝 致仕加開府儀同三司売贈少師益忠定 文殿學士知宣州又拜檢校少傳保信軍節度使至是 六月十六日癸未建康府留守葉夢得加觀文殿學士 初諸軍未悉朝廷之意將士不安乃命張俊岳飛拍循 且留鋳掌兵 張俊岳飛往淮東撫定韓世忠之兵 劉錡罷淮北宣撫判官張俊楊沂中屢言淮西之 更軍制之 劉光世來

先是和 兼 夢得故之也上嘉夢得之心乃加觀文殿學士 勇於出戰乃令進發王德看取 次文四車全書 點 制 與岳飛既到楚州飛居於州治俊乃在城 行宫留守夢得力促其行於是大軍欣躍俊見軍 王勝 密意俊亦懼之問勝曰將士 軍馬不敢 州之役張俊猶遲遲未有渡江之意知建康府 引甲軍而來日呈點軍馬或告後曰王勝有害 不帶甲俊不令卸甲却 三朝北盟會領 和州次有柘皋之勝 何故樣甲勝曰樞密來 卸 甲俊 外 而中 L 猶憾之飛 軍 張俊

岳 言曰此 徒 之 海 不. 簿 鎮江府 北 飛三問之綱曰南徐飛曰只此是矣 鵬 敢 城 到楚 方知世忠止有三萬餘人乃在楚州十年餘 舉 犯 是 郭 猶 果有過人初李寶歸於韓世忠也世忠令寶茂 潤 有餘 不 知 州 州更 固 泗 即呼賓至楚州慰勞甚至使下海往登 カ以侵 州 無兵無食如有緩急守乎棄乎飛徐徐 有何名 劉 綱 山東可謂奇特之士也飛 詣行府禀議 細 曰京 口 飛再 綱 綱 曰 問之 退大 シ四 リナ] 綱同丹 歎 在 金 回 淮 服 馬主 河

十七 京 府 之金人既退方得 遂 民幾萬人南歸至大章谷逢金人數干 已除樞密副使於是都統王貴申請樞府乞 事據 朝廷以與糧的不繼孤軍難守即詔 就 牽制寶焚登州及文登縣而還 日甲申李與自白馬山班 差左軍同 1 10.1. 17 白馬山與李成相角凡數月成不能攻逐歸 統 制 路南 三朝北盟和扁 遷 行以是日至鄂 海 州民於鎮江府 師 至鄂州李與知河 騎邀路與擊 班師 州宣撫使岳 與統率 留與 張 俊 乳 以海 南 西

府 出掌兵其寮屬皆乞宫 州在淮北恐為金人所得因命毀其城遷其民 劉光世既罷自此遂居於溫州 江 月二日戊辰持服檢 府 世忠軍飛與俊議事不合歸至行在飛請 月詔張俊沿江視師 人不樂遷居莫不垂涕並命遷楚州軍馬錢糧 三京等路 招 撫處置使割光世罷為萬壽觀使 祠而去俊獨在沿江視 校少傅張中写起復為西浙 初岳飛與張俊同至楚州撫 獨留 師 於鎮 鎮 不

金定匹庫全言

卷二百六

Ch. Ja . L Arthin 路馬步軍副都總管紹與府駐剖持服清遠軍節度使 張中彦起復為福建路馬步軍副都總管建州駐 翰良認勤意爾後頗疎嗣音即日動静之間茂惟 **休祉爰念日者國家推不世之恩興滅繼絕全界濁** 使 兼侍中都元帥領行臺尚書省事去歲使至遠沐書 醴泉觀使 日甲戌樞密副使岳飛罷為少保武勝定國軍節 都元帥第一書曰皇統元年九月日皇叔尚書左丞 金人遣莫將韓恕來 三朝此盟會編 金人第一書 劄 神 金

就迷怙亂至於此者今兹荐将天威問罪江表已會諸 施尋奉聖訓盡復賜土謂存省即有悛心乃敢不量已 徒胃越河海因遣冠賊剽攘城邑考之載籍盖亦未有 巴當諄諭藍公佐輩厥後莫將之來輒申慢詞背我大 未發而比來愈間於妄作罔革前非至於分遣不逞之 力復逞蜂薑之毒摇蕩追鄙肆意侵凌致稽來使久之 之外使專綏治本朝優息民兵求圖康又豈謂闕 巴露狂謀情不由衷務惟感亂其如詳悉條目 卷二百六 朝 封

道大軍水陸並進師行之期近在朝夕義當先事以告 以足口車人一 帝推不世之恩日夜思不知所以報國故遣使奉表以 生 因遺黃將等回惟閣下數慮而義圖之餘冀以時善衛 將 修事大之禮至於奏禀干請乃是盡誠不敢有隐從 元帥領省國公台候起居萬福軍國任重你勞經畫莫 朝 理專書披達不宣 等回特承惠書祇荷記存不勝感激某昨蒙上國皇 廷答書其故季秋霜冷伏惟太保左丞相侍中都 三朝北盟會編 朝廷遣劉光遠會助使於烏珠 些

Ē 遣使 臨危致失常度雖加誅 浦 左 光 師 感專遣光州觀察使武功 先 逑 丞相侍中都元帥 下國恐懼莫 從謹以聽命不意上國遽起大兵直渡濁 成州團練 事以告仰見爱念盈厚未忍棄絕 人請命門下生靈之幸下國之願 知所 武功縣 措夫貪生畏死乃人之常情 領省國公特為數奏曲加寬宥 戮有不能禁也今聞與 開 國子曹勛往布情態望太保 縣 閛 國子食邑五百户劉 非所敢总也惟 下國君臣 河遠 問 既畏 踰 罪 將 淮 +

贵 伏 祈 次之口車主書·三朝北四會編 青赴鎮江府請樞密行府禀議方 姓旨畫夜不安官司亦無措 遣 行在乞岳少保復統軍或曰不若渡江往京西朝 務得雅之子雲書遂欲級諸軍為亂且曰率諸軍徑 留神加察幸甚何寒竊冀保重少有禮物具於别 執之送於樞行府張憲以前軍統制為提舉一 乞容留 岳 少保來撫諭得少保復統軍則無事矣漸泄露 不宣 鷄州軍統制張憲謀為亂都統制王 置惟憂懼而己都 回 到 郛 州前 統 軍副 行事 制王 廷 必 赴 有

九月九日甲辰吳璘克秦州金人和卓郎君駐軍於秦州之 喜兒濟南府人范瓊領兵在京東俊為創子 推 就 制 勘 行 極密行府是時張俊以樞密使 王俊以其事告之貴大驚諸 劉图偽安撫使謀以五路兵屯秦州甲辰吳璘及 力 師孟 府勘王應求請極密院職級嚴 辭後從之遂命應求推 與仁以極密院吏無推勘 勘獄成送大理寺俊小 統制 視師在鎮江也俊 法恐壞亂祖宗 入謁 師孟令使 貴遂執憲送 劉與仁

セニモン

將 敗 つい、日日、日、三日 道登山去敵塞一二里間 原 而下我兵必敗吳璘卒從仲議丙辰仲率兵半夜取 甲寅姚仲率先濟渡屯於原下金人和卓即君屯於 下丁 所以不同者憚辭勞若不欲及原上耳若金人乘勢 戰於原上則勝璘以為然諸将之議皆不同仲曰 日乙已姚仲及金人戰於丁劉圈敗之吳璘既得 以兵復取秦州偽安撫使某迎官軍降五路兵皆散 劉 图 琳問諸將何以戰之勝仲曰戰於原下 三朝北盟會編 捉 歇安乾糧向曉天大寒士 間

矣乃嘆曰何不降金字牌且來世將處邪和卓即君受 子萬投干户於地復上馬入陣和卓即君退保納家城 勇璘曰楊萬可斬也正方鏖戰豈可得一敗將而 圍 歸宣撫副使胡世將惜其功將就可以生致和卓郎君 官軍圍之俄被金字牌指揮勒兵歸戍和卓郎君乃得 於納家城也遣涇原路經界使秦弼策應不至和卓 皆燒火金人覺之仲乘勢追擊之諸軍尾進金人大 有騎將楊萬者齊力過人生扶一干户回詣璘前跨 便 回

重了区屋台

卷二百六

具位今月四日劉光遠等來得書審承動静之詳為慰 三十日乙丑邵隆及金人偽知號州貫潭戰於號州敗 即君既得脱歸遂罷弼 退陰遣戚方至泗州巡綽金人果引去 將 之復號州 月金人陷泗州又陷楚州金人侵泗楚張俊曰南北 日乙亥金人元帥第二書書曰皇統元年十月十日 和敵謂吾怠欲抒柘皋之情耳勿與交鋒則敵當自

17. 17 Jal 11:17

三月七日分局

南 知前 赵 節 to 圖之薄寒竊冀對時保重專奉書披答 食言自作兵端前後非一遂 勤至惟 大兵直渡濁河之說不知何故 之土故先遣莫將 而來及所貴級贖數陳萬一展幾其可及也惟 EJ Z 非而 曰聞外之命聽其書詞 自 訟 則當遣尊官有職名望夙著者持 回具以此告而 致今日鳴鐘伐鼓問罪 脱落甚不類如果能 雖行人面列之語 殊 賜河南之後計 不見答反有遽 莫將王公亮 閣 深

所

匹

尼生丰

卷二百六

請有可疑者試為閣下言之自割

兵 文記日·中心書 所 畫 中都元帥領省國公釣候起居萬福軍國任重悉勤籌 使於金國朝廷答書某啟孟冬漸寒伏惟太保丞相 昨蒙上國皇帝割賜河南之地德厚恩深莫可論擬而 愚識淺慮處事乖錯自貽罪戾雖悔何及今日太保 相侍中都元帥領省國公奉命征討散邑恐懼不 劉光遠曹助等回持承恵示書翰不勝所感竊自念 發回劉光遠曹勛惠書之外将以幣帛仰似寬貸未 圖乃蒙仁慈先領莫將韓恕明以見告今又按甲頓 三朝北盟會編 侍

造 吏部 承宣使 令良臣等聽取釣誨廟力可遵禀者敢不罄竭以答再 竊上令不從乃命之常豈觏有指迷重蹈僭越之罪專 邑七百户王公庭充禀議使副伏蒙訓諭令敦陳畫 忍棄絕之意益深慚荷今再遣左布政議政大夫尚書 下恭聽聖訓向寒伏冀倍保釣重有少禮具於别封 仰乞釣慈特賜敷奏乞先斂士兵許敝邑遣使拜表 侍即文安郡開國侯食邑一干户魏良臣保信軍 知閣門事無客省四方館事武功縣開國伯食

アシードノレ

Ŀ

7.0 7.11

卷二百六

府張俊送憲於行在遂下大理寺奏檜奏請以岳飛同 竊冀客納不宣 义手正立飛妹然聲喏而义手矣既而曰吾嘗統十 立身不正而撒其手旁有卒執杖子擊杖子作聲叱曰 言士優有不軌心責建州狗管死於建州飛初對吏 依文字欲解救之不密漏其語或聞之以告槍令臺官 下大理寺鞠勘反狀於是飛坐大理獄判宗正司士優 十三日戊寅岳飛送大理寺王贵解押張憲至樞密行

欠こり 日まり

三朝北盟會編

金テロ 戰於陝州敗之克陝州 浩 诣 前招信縣主簿吕浩者主其寒金人雖得濂州但空城 内 兵今日乃知欲吏之貴也 而 坐於石上談說移時金人約十日再來果如期 巴酈瓊孔彦舟與數金人至横 再見之即與俱北去 一月七日辛丑金人元帥烏珠遣使來 人烟稀少渡江之質民往往在橫澗山許家舊寨有 卷二百六 邵隆及金人偽知陝州鄭 金人陷濠州是時濠州境 澗山浩野服下見之 第三書書 而 至

た合言

良臣至伏辱恵書語意殷勤自弘前失今則唯命是聽 中都元帥領行臺尚書省魏國公時寒想惟安善近魏 回皇統元年十一月七 日皇叔太保尚書左丞相無侍 C. C. V. D. 101 C. P. 10 五萬足兩既能盡以小事大之禮貨利不足道正所 觀之亦是准北不在所割之數來使云歲貢銀絹二十 與閣下成就此計也本擬上自襄江下至於海以為 良見高懷昨離闕時親奉聖訓許以便宜從事故因 重念河南凋數日久得如不得淮南唐鄧二州以地勢 三朝北盟會編 十四

那 年ラグにたくこう 同 陵 臺尚書戸部兼工部侍郎兼左司郎中上輕車都尉蘭 者 乞為定又云淮北京西陝西河東河北自來流亡在南 知制語兼右諫議大夫河問縣閉國子食邑五百户 縣開國伯食邑七百户蕭毅中憲大夫充翰林待制 因兵火隔絕之人並請早為起發令遣昭武大將行 顧歸則聽之理雖未安亦可從乞外有熟以北逋逃 具赡等奉使江南審定可否其問有不可言者一 惟閣下詳之既盟之後即當聞於朝廷如有封建 卷二百六

衛服食專持書奉答不宣 樞密院事使於金國容州觀察使曹勛副之 大賜又何疑馬有少禮物具改別幅隆冬竊冀順天以 見其面 客絕口不言兵不發親戚平交書平時將佐部由皆莫 使體泉觀使臣僚累言韓世忠之罪上留章不出亦思 二十八日壬戌韓世忠為太傅橫海武寧安化軍節度 **檜陰謀而請罪遂以太傳為醴泉觀使世忠杜門謝** 福建路安撫大使張俊罷為檢校少傳崇信 何鑄為端明殿學士簽書

12 c. 10 . of Al hills 1

三朝北盟會編

土五

請莫不以妻女勸酒世忠必酬 生了口是 縣運河卒遺史曰韓世忠晚年好游宴常赴諸統制 制不可世忠覺而大驚急馳馬奔歸而令擒呼延通既 以手捉世忠之佩刀宗儀適見之搦通之手而呼曰統 軍節度使體泉觀使便居住 有不平之意雖備禮邀世忠至私宅然未當擅離左右 十二月淮北宣撫使楊沂中還行在 日世忠與水軍統制郭宗儀會於通家世忠署寢通 醉而歸唯呼延通忿忿 呼延通投准陰

擅離軍之罪次數十下通快快投運河運河水深急救 通 見通即走入府第不出通伏於地滴淚成沿泉勘促通 毒者甚威世忠臨聴事坐而受之最後通獻壽香世忠 通 至世忠數其罪責為崔德明軍中自效德明成准除故 之出水已不甦倒 在淮陰世忠以十二月二十三日與生是日諸軍獻 乃起自而去出門奔還淮陰徳明獻壽回數通不合 控其水以旬著毛衫領家水脹束其

大きつりょ しんける

三朝北盟會編

頸

水不得出而死人皆惜之世忠退保沂中復還泗州

服 之心 金ケロ 獀 金 金 初 軍心始安自是潰兵由淮河上下數 即君 歸其死亡者甚衆 至 扨楊 河南許准南州縣權宜退保州 入城怒州人納 たと言 日壬二 於 Ŧ, 滋 盩 沂中 蕭 屋縣 辰永興軍路經界安撫使王俊敗金人 不 保及金人戰於宿州軍敗金人屠其城 南 得志遂攻宿州王滋蕭 楊 許准南州 卷二百六 沂中之軍也乃縱屠戮 縣退保 有里 縣官吏皆 朝廷以金 間三三兩 保 與戰不 有輕去 两 利

縣 陽 於李與乞兵於金國得番漢軍十餘萬興聞之度衆寡 不敬 ウスノヨ・戸ノスナラ 牧羊鎮 月楊 十三日甲午楊政軍統制邵俊敗金人於隴州汧 日戊申 縣劉光世軍池州劉 二日癸丑楊政統領 即移治於永寧白馬山 沂中劉舒退軍鎮江府 知河南府李興移治於白馬山李成以累敗 河東統制王忠植克石州 绮移軍太平 楊從儀郡 三朝北盟會編 俊敗金人於隴州 4+1 ナさ 陽 汧

絹 金厅匹尼全三 州也岳飛令統制 寶方欲嚴備過徐州曹洋曰我有備矣金人不知我至 月 十五日丙戌李寶以其衆歸於淮東宣撫司李寶自五 必無備當掩擊之金人果無備皆不及持仗為實所殺 日丁丑李山史貴韓直敗金人於陳州 在渤海廟克捷即放船越廣濟軍遇金人網船得銀 錢米甚多將抵徐州與金人船相遇乃來戍徐州者 解元敗金人於沂州譚城縣 趙東淵守之金人置陳州飛統制李 卷二百六 初張憲得陳

疑 條 朝 率金人五千餘騎犯河南府李興開城門以待之成果 7. 17 .. 1 ZIAIT 日已卯陕西統制具崎統領侯信敗金人於河北中 史貴與劉绮軍統制韓直及金人戰於城下敗之 4 不敢進興遣鋭士由他門出擊之 日辛已候信敗金人於解州界殺其將毛可 拍 楊 日壬午李成攻河南府李與擊敗之李成自孟州 梯谷 沂中軍於宿 괏· 三朝北盟會編 岳飛劉光世來 さ

曹勛不知沂中所在表間於朝朝廷大恐令閥 横舟而潰至壽春府渡准歸乃與王滋蕭保相隔条議 也以步軍退屯於泗水鳥珠詭計令人來告有金人数 十六日丁亥楊沂中軍潰於宿州楊沂中進兵於宿 沂 百屯柳子鎮沂中以為然欲擊之或諫以為不可輕 珠以重兵伏其歸路沂中自柳子鎮回半途知其然遂 沂中不聴留統領王滋蕭保領其兵一干於宿州是夜 中自將騎兵五干往襲柳子鎮至明不見敵而還鳥 卷二百六 准東州 岀

金烷匹尼台言

技先是留守李利用総管孫暉棄城南歸也與與金人 犛 南府李與九月退保於永寧白馬山李成親率备偽首 州存恤別給優 廪 與移治白馬山寨 日唯 有幼子在側方 接戰與之家屬散亡两三處晖度與必陷沒遂擁其妻 Cal Cried Liters 周民至襄陽奪其鞍馬掠其財物朝廷知之降詔伊本 沂中後亦深悔恨 領衆十餘萬四面攻圍畫夜不息鼓聲震山谷凡兩句 不絕與親臨隘口撫恤士卒盡力禦之成不能施其 三朝北盟會編 李興與李成相拒於白馬山知河 ----たた

馬 賞各有差興得機不啟立斬來使以其機繳赴朝廷白 自 招與以奉國上將軍官便依舊尹西京其餘將佐官屬 敵者當抱此子南向投崖以謝天子諸公欲出降者請 香默祷一夕大雪泉脉涌溢将士皆以為與心精忠感 與諸公誓以死守母惑二心萬一山寒有失我豈污於 敵勢圍急人心頗搖與詔將士徧諭之曰今雖圍急當 受圍久方深冬泉源枯凋軍民乏水衆皆病渴與焚 便諸將皆感泣由是諸監益堅俄金國遣使賣黃榜

金少世是人口

卷二百六

成 永 管寨掩殺過洛水北十八里至三鄉鎮連戰克捷 應 山 大挫徑歸西京 興雖在圍中至歲時伏職專遣将士賣書取問道 安酌獻諸陵李成知與不可動乃斂諸處及圓兵於 駐積躬時糧為久守之計與潛遣將士夜出焚却 自

三朝北盟會編

三

